



LINPA Y DIZINFETA PA COVID-19

Linpeza y dizinfeson di superfisi ki ta tokadu txeu, sima mon di porta, puxadoris, bankadas, boton di ilevador, pode djuda ivita propagason di COVID-19.

Oras ki bu ta linpa...

- Uza luvas.
- Sigi senpri instruson na plaka.
- NUNKA ka bu mistura produsus kímiku di linpeza ku kunpanheru. Kel-li pode kria gaz prigozu.
- Ivita kontaktu di produsus kimiku ku alimentus duranti linpeza.



Pa linpa matirial purozu masiu, sima tuadja, ropa, ropa di kama, brinkedu di tisidu masiu (istu é, animal di pelusia):

1. Si kel objetu pode ser labadu na makina, laba-l na makina di laba ropa ô nun bolsa di redi.
2. Laba ku agu kenti y un diterjenti ki ten lixivia pa ropas di kor.
3. Seka na temperatura altu.
4. Un profesional di linpeza pode ser kapaz di djuda ku itens ki ka pode ser labadu na makina.




Itens grandi dimas pa ser labadu na makina (tapeti, mobilia, etc.) pode ser línpadu a vapor ô línpadu di otu forma profesional.



Linpeza di superfisi rixu ke ka purozu é un prusesu di 4 etapa. Superfisi rixu ke ka purozu ta inklui: asu inosidavel, pavimentu, superfisi di kuzinha, bankadas, mezas, kaderas, lavatorius, kaza banhu, gradi, plakas di interruptor di luz, mon di porta, brinkedus di metal/plastiku, tekladu di konputador, telekumandu, ikipamentus di lazer.

1. Linpa ku un produktu di linpeza jeral di superfisi ô sabon ku agu pa tra tudu sujidadi vizivel y linpa ku un panu ô tuadja di papel.
2. Aplika un dizinfetanti aprovalu pa EPA. Pa mata virus ku efikasía, sertifika ma superfisi kontinua modjadu ku dizinfetanti duranti pelu menus 10 minotu antis di linpa ku un tuadja linpu.
3. Laba ku agu y dexa superfisi seka ku ar. Lavajen ku agu é spésialmenti inportanti si superfisi for di un zona di preparason di alimentus.
4. Tra luvas y poi na lixu. Laba mon dipos di tra luvas.



Midjor manera di privini duensa é ivita sta ispostu a es virus. Kontinua ta pratika distansiamentu susial (fiziku), uza un kubertura fasial pa pruteje otu algen y laba mon frikuentimenti. Pa más informason, vizita [For more information, visit www.bphc.org](http://www.bphc.org).